

Na osnovu člana 4.2 Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11) i člana 36. Poslovnika o radu Državne regulatorne komisije za električnu energiju ("Službeni glasnik BiH", broj 2/05), na sjednici Državne regulatorne komisije za električnu energiju održanoj 30. decembra 2014. godine, donijeta je

ODLUKA

O ODOBRAVANJU PLANA INVESTICIJA ZA 2015. GODINU

1. Odobrava se Plan investicija Elektroprijenosa Bosne i Hercegovine a.d. Banja Luka za 2015. godinu.
Vrijednost ukupnih ulaganja predviđena Planom investicija iznosi 316.715.461 KM.
2. Plan investicija sadrži strukturu i dinamiku realizacije planiranih investicija, sa izvorima finansiranja.
Vrijednost pojedinačnih investicija i jedinične cijene opreme i radova nisu predmet razmatranja DERK-a.
3. Plan investicija realizirat će se na transparentan način, prema procedurama propisanim Zakonom o javnim nabavkama.
4. DERK će pratiti realizaciju Plana investicija, u skladu sa svojim ovlaštenjima.
5. Ova odluka stupa na snagu danom donošenja i objavljuje se u "Službenom glasniku BiH", službenim glasilima entiteta i Brčko Distrikta BiH.

Obrazloženje

Elektroprijenos Bosne i Hercegovine usvojio je Plan investicija za 2015. godinu (u daljnjem tekstu: Plan investicija) na sjednici Upravnog odbora Kompanije održanoj 11. decembra 2014. godine. Također, Skupština akcionara/dioničara Kompanije je na sjednici održanoj 22. decembra 2014. godine donijela Odluku o odobranju Odluke o ulaganjima u objekte Elektroprijenosa BiH a.d. Banja Luka, u iznosima preko 1.000.000 EUR br. UO-16271/2014 od 11. decembra 2014. godine.

U okvir za izradu plana uz potpuno uvažavanje tehničkih i ekonomskih kriterija planiranja uključene su i odluke i zaključci Uprave i Upravnog odbora Kompanije, te Skupštine akcionara/dioničara, čime su ustanovljeni kriteriji i odnosi u samoj strukturi investiranja. Prilikom izrade Plana investicija korišten je Plan investicija za period 2014. – 2016. godina, odobren Odlukom DERK-a broj: 05-28-16-146-3/14 ("Službeni glasnik BiH", broj 34/14), kao i Dugoročni plan razvoja prijenosne mreže za period 2014. – 2023. godina, odobren Odlukom DERK-a broj: 05-28-13-331-3/14 ("Službeni glasnik BiH", broj 93/14).

Plan investicija je pripremljen u funkciji realizacije elektroenergetskog bilansa na godišnjem nivou, primjenjujući standardne kriterije bezbjednosti.

Plan uključuje aktivnosti na rješavanju krutih tačaka u sistemu, sanaciju i stavljanje u pogon objekata prijenosne mreže koji nisu u funkciji, kompletiranje 110 kV dalekovodnih polja, te zamjenu energetske i mrežnih transformatora po definisanim kriterijumima.

Primjenjujući standardni (*n-1*) kriterijum bezbjednosti elektroenergetskog sistema, Plan investicija uključuje neophodna pojačanja sistema i uvažava zahtjeve iz procesa eksploatacije

i održavanja, kao i definiranog životnog vijeka opreme. Plan dinamički definira realizaciju aktivnosti u najkraćem mogućem roku, u okviru raspoloživih sredstava i realnih ograničenja u velikom broju paralelnih investicija.

Osnovni kriterij planiranja razvoja prijenosne mreže u elektroenergetskom sistemu BiH je minimizacija ukupnih (investicijskih i eksploatacijskih) troškova uz zadovoljenje zahtjeva bezbjednosti sistema.

Prilikom razmatranja Plana investicija za 2015. godinu, a zbog nedostatka podataka, DERK nije uzeo u obzir poziciju A-II-1-11 koja se odnosi na izgradnju TS Stanari. Shodno tome, pozicija A-II-1-11 nije odobrena ovom odlukom.

Pored investicija u energetske opreme, za potrebe funkcioniranja Kompanije predviđa se realizacija poslovno-informacijskog sistema, jedinstvenog telekomunikacijskog sistema i sistema za upravljanje dokumentima (*DMS – Document management system*), sistema za korištenje digitalnog potpisa, te rekonstrukcija i opremanje poslovnih zgrada, nabavka neophodne opreme, vozila, alata i dr.

Vrijednost ukupnih ulaganja prema Planu investicija za 2015. godinu iznosi 316.715.461 KM, od čega se 186.821.170 KM odnosi na prenesena sredstva iz Plana investicija za 2014. godinu i ranijih planova, 96.922.556 KM na raspoloživa sredstva u 2015. godini, 8.553.626 KM na vlastiti rad u 2015. godini, 5.080.109 KM na ranije obezbjeđenu opremu i materijal, te 180.000 KM na sredstva od donacija. Plan investicija predviđa i investicije po osnovu naknade za priključak (varijabilni dio) u ukupnom iznosu od 19.158.000 KM.

Državna regulatorna komisija za električnu energiju nije razmatrala vrijednost pojedinačnih investicija niti jedinične cijene opreme i radova koje Plan uključuje, jer očekuje njegovu transparentnu realizaciju, prema procedurama propisanim Zakonom o javnim nabavkama. DERK će pratiti realizaciju Plana investicija, u skladu sa svojim ovlaštenjima.

Broj: 05-28-16-418-1/14
30. decembra 2014. godine
Tuzla

Predsjedavajući Komisije
Nikola Pejić